

**EDISSET YE EDIDOK CHRIST KE ENYON**  
**Mark 15:42-47; 16:1-20; Utom Mme Apostle 1:1-11**  
**OYOHQ UKPEP-NKPQ 171**

**Eke Mkparawa**

**IKQ IBUOT: “Eka ke ofuri ererimbot ekekwo gospel eno kpukpru owo” (Mark 16:15)**

**Idori-Enyin Ama Okure**

Ke mme isua ikie emi ebede, mme Jew ekesuk eyeyom owo ekededi emi ediwoode ke otu mmq emi edidahade ada onyũ akabare edi akamba edidem. Mmq ekeyom owo kiet emi edibiatde odudu mme andifik mmq onyũ anamde mmq etoño ntak edi idut emi ebõhõde. Ndien Jesus ama edi edinam ediwak utibe-nkpõ: okok mbio udõño, anam mme akpa mkpa eset, onyũ õbõk ediwak tosin owo ke uyo ition ye mkpasa iyak ifañ. Ke akpanikõ, Enye ama ekeme ndinam nkpõ ekededi; ndien ndusuk owo ema edu emi ekenimde Enye ke akpanikõ enyũ ekere ete idahaemi, Andifak mme Massiah ama edi.

Edi ke mkpasip isua ita emi Enye akasañade anam nti utom ke otu mme owo emi ekebe, ema ekõ Enye ke krõs; ndien mmq ekesuk edudu ke idak ukara Rome. Okposuk edide oro, ata ediwak owo ema ebõ edinyaña, ema efen ke mme idiõk-nkpõ mmq, ndien mmq ema ebõhõ ke spirit; edi mmq ekeyom ndinyene ukara emi ufik miduhe.

Mmq ema edighe, ndien edu ke mkpaidem ke otu mmq: Ntak emi Enye akayakde mme asua Esie emia Enye? Ntak emi Enye eketienede mmq õdõk ke enyõn obot Calvary man ekekoñ Enye ke krõs? Enye ama etiñ ete ke Imõ imekeme ndikot udim mme angel ediñwam Imõ edieke Imõ ikpoyomde ndinam ntre. Ndien ntak emi Enye mikõsuhõkere ke krõs? Mmq ema enyene idori-enyin tutu osim akpatre, edi idahaemi Enye ama akpa.

**Ikõ Abasi Emi Okosude**

Owo kiet ama odu emi ekekerede Joseph owo Arimathaea emi okosuk enyenede idori-enyin ebet Abasi ndinim obio ubõn ke isõn, ndien enye ekere ete ke usuñ kiet ekededi, ke Jesus ama enyene udeme ke esit, okposuk edi nte Enye ama akakpa. Nnyin ikopke nte etiñde edian enye nte owo mbet Jesus, edi ke ini emi, enye ikokopke but ke ndika mbine Pilate nnyũ mbup mbaña okpo Jesus man otodo enye okpobuk Enye ke ido eke eyede. Joseph ekedi owo inyene, nko enye ama enyene udi emi ekeyede emi enye akayakde ke mfõn õnõ Jesus, emi akanamde Isaiah Anditiñ-ntiñ-nnim-ikõ õwoõ osu; “Mmq enim udi esie ye mme idiõk owo, edi enye odu ye owo inyene ke mkpa esie” (Isaiah 53:9). Mme idiõk owo ekedi mme inõ oro ekekoñde ye Christ, ndien Joseph ekedi owo inyene oro ekenimde Enye ke udi esie.

**Oyohõ Usen Ita**

Mme ikpõ oku emi ekenõde uyo ete ewot Jesus ema eti ete ke Jesus ama õdõhõ ete ke Imõ iyaset ke õyõhõ usen ita. Mmq ikonimke ke akpanikõ ite ke Enye eyenam ntre, edi mmq ema efehe ndik ekere ete ke ndusuk mbet ekeme ndidi ndiyip okpo Jesus enyũ etiñ ete ke Enye ama eset. Mmq ema eyom Pilate otim okut ete ke ekpeme udi tutu õyõhõ usen ita ebe, man otodo mme Jew ekukeme ndituk okpo oro.

Mme oku ikpekenyeneke ndikere mbaña mbet. Mmq nko ikonyũ itihõ ite ke Jesus ama õdõhõ ete ke Imõ iyetõño ntak iset. Mmq ema ekop mfuhõ eti-eti, ndien se kpukpru mmq ekekemede ndikere mbaña ekedi ke edima Jesus mme imõ ama õnyõn õkpoñ mme imõ. Ke ukut mmq, mmq ema edõhõ ete: “Edi nnyin ikodori enyin ite edi Enye edifak Israel” (Luke 24:21). Ndien mmq ema ekere ete idahaemi, ke kpukpru okure.

**Eñwoño Uwem**

Jesus ama añwana ndiduri mbet Esie utõn nte, Imõ iyekut ukut inyũ ikpa; edi Enye ama õñwoño õnõ mmq ete ke Imõ iyetõño ntak idu uwem. Ini ama odu ke Erikpuhõre-idem ama ekebe, ke ini Enye eketiñde õnõ Peter, James, ye John ete mmq ekutiñ se mmq ekeikutde tutu ini “Eyen Owo edisetde ke mkpa” (Mark 9:9). Mmq ema eneme ke otu idem mmq ete: eriset “ke mkpa emi Enye õdõhõde õwoõ nso? Ini efen Enye ama etiñ õnõ mmq ete ke Imõ imenyene odudu ndiyak uwem Imõ nduõk nnyũ ntõño ntak mbõ nda; edi, oruk nkpõ oro akananam ikotibeke. Mmq ekpekeme didie ndifiõk oruk ikõ oro?”

Jesus ama etiñ õnõ mbet Esie nko ete, ke Imõ ima iset Imõ iyesebo mmq ke Galilee. Edi mbet ikakaha ke Galilee ndiyom Enye, koro mmq ikenyeneke idori-enyin ndifiak nktu Enye.

## **Unana Edinim Ke Akpanikọ**

Mary Magdalene ye Mary eken ema eda ese nte ekebukde Jesus ke udi Joseph, mmọ ema enyọñ eka ufọk nditim mme enem-utebe aran emi edidade eyet Enye ke ini Sabbath ama ebe. Mmọ ikekereke ndomo esisit ite ke Enye ididuhe ke ini mmọ edifiakde eka.

Kere nte idem akakpade mmọ ke ini mmọ ekedide ke akpa usen urua ye mme enem-utebe aran mmọ, ndien edikut nte udi anade iñwañ! Jesus ikoduhe; edi angel ama odu do nditiñ nnọ mmọ: “Enye ama eset; enye iduhe mi.” Ediye ọfọñ linen ama odu do emi Joseph ekedepde nte ọfọñ-udi Christ, ke ntre ndudue ikoduhe nte ke ebiet emi ikedighe nnen-nnen itie. Etop emi ama anam iban emi ekop ndik, ndien mmọ ikonimke ke akpanikọ.

Jesus ama eset ye ikpohidem emi ekebietde eke owo. Ke ini Enye okosobode ye Mary Magdalene ke iñwañ onyuñ etiñ ikọ ye enye, enye ama ekere ke akpa ifet ete ke Enye ekedi ekpeme iñwañ, ndien ñwan ama obup Enye ete mme Enye ama emen okpo Jesus efep. Ke ini Enye okokotde enye ke enyiñ, do ndien ñwan oro ama ọfiok ete ke Enye ekedi Ọbọñ imọ. Enye ama ọsọsọp aka eketiñ ọnọ mbet eken ete ke ekedi ata akpanikọ ete ke Enye ama eset ke mkpa, ndien ke imọ ima ikut Enye. Edi mmọ ikonimke ñwan oro ke akpanikọ.

Ke mbubreyo usen oro, ke ini owo iba ke otu mbet ekesusuk esañade ke usuñ Emmaus, Jesus ama asaña ke usuñ oro ye mmọ, onyuñ etiñ ikọ ye mmọ; ndien Enye awaha onyuñ adia ñkpọ ye mmọ, Enye ikedighe spirit, edi ekedi Jesus, emi odude uwem ke obukidem. Ke Enye ama ọkọdion udia mbemiso mmọ edia, mmọ ema edioño Enye. Enye ama osop ke enyin mmọ, ndien mmọ esọsọp idem efiak edem eka ke Jerusalem etiñ, enọ mme Apostle ete ke mme imọ imokut Jesus ye uwem. Edi mme mmọ emi mmọ eketiñde enọ ikonimke ke akpanikọ!

## **Esua Enọ Mbet**

Jesus ama eseme sia owo ndomo kiet mikekemeke ndinim ke akpanikọ, tutu osim mme Apostle Esie, ibọhọke ke mmọ ema ekeket Enye ye uwem. Enye ama etiñ ọnọ mmọ ete ke Imọ inyene ndikpa, edi ke Imọ iyetọñ ntak iset ke ọyọhọ usen ita. Ke ini Jesus okosobode ye mbet Esie duopekiet, Enye ama obup mmọ ntak emi mmọ mikonimke mme ñkpọ emi Imọ ikọdohode. Ndien ese didie abaña mme ñkpọ emi mme anditiñ-ntiñ-nnim-ikọ ekewetde ebaña Enye? Nte mmọ ikpekenimke oro? Nte ekpekenyene ndiwut mmọ mbemiso mmọ enim ke akpanikọ? Jesus ọkọdohọ Thomas; “Sia ama okokut Mi, omonim ke akpanikọ: ọfọfọn ọnọ mmọ emi mikekwe, edi enimde ke akpanikọ “( John 20:29). Edidion oro odoro kpukpru nditọ Abasi mfin emi mikekwe Jesus ke obukidem, edi kpa ye oro enim ke akpanikọ ete ke Enye ama akpa ke abaña mme idiok-ñkpọ nnyin onyuñ ọtọñ ntak eset.

## **Utom Emi Christ Ọkọdionde**

Jesus ama etiñ ọnọ mbet Esie ete ke Imọ ima ikure utom emi Ete ọkọnọde Imọ ndinam ke ererimbot, ñko ke Imọ iyese ọkọkọwọrọde; edikabare esit ye edifen ke idiok-ñkpọ. Mmọ ekenyene ndikpep mme owo ete ke Jesus amama mmọ, ñko mmọ ekenyene ndinim Enye ke akpanikọ man otode ekpenyaña mmọ. Mmọ enyene ndinim ke akpanikọ nte ke Jesus ama akpa nte ñkpọ usio-isop ke mme idiok-ñkpọ mmọ ndien ama onyuñ eset ñko.

Mbet ididuhe ikpọñ ke ini mmọ edikade ndikwọrọ ikọ ke Jerusalem nnọ mmọ emi ekewotde Jesus; ke Samaria, ke otu mme owo emi mme Jew ekesuade, ke kpukpru ñkan ñkuk mme idut, ye mme isen-owo ke mme akpatre ebiet ke ererimbot. Jesus eyeka ye mmọ onyuñ anam utom ye mmọ “ọsọñ ikọ mmọ.” Emi ọkọwọrọ ete ke Enye eyedion utom ukwọrọ-ikọ mmọ onyuñ anyaña mme ukpọñ onyuñ ọkọk mbio udọñ oto ke mme ibọrọ akam mmọ, nte Enye ọkọñwọñode.

## **Mme Idiọñ Emi Etienede**

Jesus ọdohọ ete “ndien mme idiọñ emi eyetiene mmọ emi enimde ke akpanikọ.” Ediwak owo mfin edohọ ete ke usen mme utibe-ñkpọ ebe; ñko ke mme utibe-ñkpọ eketibe ke mme usen edem ndida ntọñ ufọk Abasi, edi ama edi mfin emi ndomo kiet iduhe koro ufọn iduhe ke mmọ. Edi Jesus ama ọdohọ ete: “Ndien mme idiọñ emi eyetiene mmọ emi enimde ke akpanikọ, ke enyiñ Mi ke mmọ eyebin mme demon; eyesem mbufa usem; eyemen urukikot ke ubok; onyuñ edieke mmọ eñwọñde ñkpọ ekededi eke abiatde uwem, ididiokke ye mmọ; mmọ eyedori mbon-udọñ ubok, ndien mmọ oro eyekop nsọñidem” Edieke mme idiọñ emi mitieneke nnyin nditọ Abasi, ekeme ndidi ke nnyin inimke ke akpanikọ, ndien ke mbuotidem miduhe, owo ikemeke ndinem Abasi esit” (Mme Hebrew 11:6).

Edieke mikokke mbio udọñ etiene mme ibọrọ akam nnyin, ndien edieke mikpuhọke uwem mme idiok-owo oto ke utom ukwọrọ-ikọ, ana nte edi ke ñkpọ anam mbuotidem nnyin okpu. James Owo-mbet ama ewet ete;

‘wut mi mbuotidem eke misañake ye erinam ñkpọ, ndien ami nyeda erinam ñkpọ ñwut fi mbuotidem mi’ (James 2:18). Ke mme ikọ efen, afo ọdọhọ ete imọ imenyene mbuotidem; wut emi ke utom fo nte asañade ye mme eñwọhọ Abasi ikemeke ndikpu, ndien mme eñwọhọ Esie enyene mmọ oro enimde ke akpanikọ.

Jesus ama ọbọh akam ọnọ mbet Esie ete yak mbuotidem mmọ okukpu. Edieke nnyin ikade iso ndikot Ñwed Abasi nnyuñ mbọh akam nnọ Jesus, Enye eyenọ nnyin mbuotidem emi edinamde mme ñkpọ inọ Abasi. Enyene ndifen ke mme idiok-ñkpọ nnyin ke akpa ifet; ndien ke ini esit nnyin mibiomke nnyin, nnyin imenyene idorienyin ite ke Abasi okop ke ini nnyin ibọhde akam, ndien nnyin iyebọ iborọ. “Mme idiọhọ emi eyetiene mmọ emi enimde ke akpanikọ,” ekedu ke otu akpatre ikọ Jesus. Ndien Enye ama ọnọ mmọ uyo ete efiak eka Jerusalem ekebet ndibọ Uduok-mmọh Edisana Spirit, emi edinamde mmọ edi mme ntiense odudu ke ebiet ekeded eke mmọ edikade. Eyenam mbuotidem mmọ okpon man oto do mme idiọhọ ekpekeme nditiene ukwọrọ-ikọ mmọ.

### **Oduk Ke Ikpa-Enyoh**

Idahaemi kpukpu ñkpọ ama okure. Ke usen aba Jesus ama asañade ye mmọ, ndien ama onyuñ ọnọ mmọ ediwak idiọhọ emi owo mikpekemeke ndiyik nte ke Enye odudu uwem ke akpanikọ, kpa ukem Jesus emi akakpade ke krọs. Ko ke Obot Olive, nte mbet ekasuk esede, ema emen Jesus edok ke ikpa-enyoh eka ke Heaven, ndien Enye ama ọnyoh.

Mbet ema eda do ke mkpa-idem, ke esese ebiet emi Jesus okosopde. Nte ekikere mmọ ekenyene ndifiak nsuana? Nte Enye emi mmọ ekemade ntre ama ọnyoh ke nsinsi? Ke ndo-ndo oro mme angel iba ema eda ke otu mmọ enyuñ edohọ ete “Jesus emi, emi emende Enye ekpoh mbufo eduk ke Heaven, eyedi kpa ke ido emi mbufo ekutde Enye ọnyohde oduk ke Heaven.” Oro ekedi eñwọhọ nte ke Imọ iyetohọ ntak idi, ndien mbet ema eyuhọ. Edi akpanikọ nte ke mmọ ema eti idahaemi ete ke Jesus ama etiñ ete “koro mmoh ñka ñkotim itie nnim nnọ mbufo. Ndien edieke ñkade ñkotim itie ntre nnọ mbufo, nyefiak ndi ndida mbufo nnọ Idem Mi; man mbufo enyuñ edu ke ebiet eke Ami ndude” (John 14:2, 3).

Jesus ke etiñ ọnọ nnyin nte Nditọ Abasi mfin. Enye odu ke Heaven ke otim itie onim ọnọ nnyin, ndien ke ebeñe nnyin idem onim ọnọ ebiet oro; ndien usen kiet ke ini mika ibighike, Enye ke afiak edi ñko ndida ikot Esie ñka ke Heaven ebiet emi mmọ edinyenede idara ye kpukpu utibe edidihọ emi Enye ebeñede onim ọnọ mmọ oro emade Enye.

Edi idahaemi, nnyin inyene nditiñ enyin ke utom emi inamde inọ Ete-ufok, ke ndiwut mbuotidem nnyin ke Enye oto ke mme utom emi nnyin inamde.

### **MME MBUME**

1. Mme anie ekekoh Jesus? Ntak?
2. Anie okobuk Jesus? Ndien nso ntiñ-nnim ikọ ke Ñwed Abasi ke enye akanam ọwọrọ osu?
3. Didie ke nnyin ifiok ite ke Mary iba emi ikonimke ite ke Jesus eyefiak eset?
4. Jesus ekikere didie abañade edu nte mbet ekebode mme etop ete ke Enye ama odu uwem?
5. Siak mme idaha emi Jesus okowutde idem ke Enye ama ekaset?
6. Nso ikedi mme ndusuk akpatre ikọ Jesus?
7. Anie edibọ mme edidihọ emi Jesus okohwohode?
8. Jesus okokpoh ererimbot emi didie?
9. Nso ikedi etop mme angel emi ekasobode mbet ke Obot Olive?